

մի ուրիշ պատուիրակութիւն էր ուղարկւած: Մերձաւոր մի գիւղում հայերի և մահմետականների միջեւ ընդհարում էր սպասւում, և այդ պատուիրակութիւնը որոշ ժամանակից յետոյ վերադարձաւ ու յայտնեց, որ մահմետականները դուրս են եկել պատուիրակութեան առջև, խլել են նրանցից հրացաններն և ուրիշ զէնքերը: Այս ամենը կատարւեց մեր ներկայութեամբ, ձեր պատուիրակութեան աչքի առջև, և կարելի է թել շատ դէպքեր, երբ հայ զինուորները սպանել են թուրքերին և, ընդհակառակը, թուրքերը սպանել են հայերին: Միւս կողմից տեղի են ունենում մասնաւոր ընդհարումներ ու սպանութիւններ: Ահա այսպիսի հանգամանքներում, երբ ոչ միայն ազատ հաղորդակցութիւն չկայ երկաթուղիներով, այլ և փակւած է երթեւեկը գիւղերի միջև — այս դրութեան մէջ հայկական զօրքերի կոմիսար Դրօն յայտարարեց, որ բոլոր ռազմագիտական ճանապարհները փակւած են հայկական զօրամասերի առջև: Նա վճռական ու յամառ կերպով պահանջում էր, որ իրեն ցոյց տրւի որևէ ճանապարհ, թէկուզ շատ վատ ու անյարմար, թէկուզ ամենաանցանելի մի ճանապարհ: Այդ պահանջին նրան պատասխանեց, որ ռազմագիտական բոլոր ճանապարհները փակւած են ռազմաճակատ գնացող հայ զօրամասերի առջև: Մահմետականների ներկայացուցիչները չառարկեցին»:

«Երբ մի կողմից, գիւղերում, կանգնած են կանոնաւոր զնդեր ու դումարտակներ, իսկ միւս կողմից կանգնած են զինւած անկազմակերպ մահմետական զանգւածները, — ստեղծւում է այնպիսի յազեցած մթնոլորտ, որ ամենասնշան առիթն իսկ բաւական է, որպէսզի բռնկւի ազդային հրդեհը: Եւ ահա այդ ազդային հրդեհը տեղի ունեցաւ փետր. 17—21-ին: Եթէ դուք նայէք Ղամարլու մեծ գիւղի վրա, որի բնակիչները բաղկացած են մահմետականներից ու հայերից, կը տեսնէք, որ այդ գիւղի մահմետական մասը չկայ, անհետացել է. չէք գտնի նրան, գոյութիւն չունի, բնաջնջւած է. իսկ հայկական մասը կանգուն է, չի վնասւել: Եթէ առնէք մի ուրիշ գիւղ՝ Աղսամզալուն, այդ գիւղում էլ բնակիչ չկայ. հեռացել, թաքնւել են, մի մասն էլ դուցէ, բնաջնջւած է: Ուլուխանլուն, աւելի մեծ ու հարուստ մի գիւղ, նոյնպէս դատարկւած է: Դաւալու գիւղից մահմետական բնակչութիւնը, տեսնելով յուսահատական վիճակը, հեռացել է յօժարակամ, յայտնի չէ թէ ուր: Այսպիսի դրութեան մէջ են հայերի ասելով 18, իսկ մահմետականների տեղեկութիւններով 21 գիւղեր: Ամենացաւալին այն է, որ գիւղերի մաքրագործումը, այս, եթէ կարելի է ասել, գիւղերի ջարդ ու փշուր անելը կատարւել է մասնակցութեամբ հայկական կանոնաւոր զօրամասերի, որոնք այս հրդեհի ժամանակ օգնութեան են կանչւած Երեւանից և, փոխանակ օգնելու, իրենք էլ մասնակցել են այդ հրդեհին՝ գործի մէջ մտցնելով զնդացիներ ու հրետանիներ: Երևան քաղաքի դէպքերը արձագանդ եղան Դաւալուի դէպքերի: Երևանում սկսւել է հրացանաձգութիւն ու կոտորած: Հետեանք՝ 36 մահմետական գերեզման և 56՝ հայկական... Հայ ու մահմետական խանութները բոլորովին ջարդւած ու թալանւած են և եթէ չլինէին մի քանի հասարակական գործիչներ մահմետականների ու հայերի կողմից, Երեւանում ահաւոր ջարդ ու կոտորած տեղի կունենար: Բայց, ինչպէս վկայեց պատուիրակութիւնը հայ ու մահմետական ներկայացուցիչների առջև Երեւանում, չնորհիւ Դրօնի, Արամ փաշայի և Երեւանի պարետ Շահխաթունիի եռանդուն միջամտութեան, կոտորածը լայն ծաւալ չի ստացել: Նրանք ամբողջ օր շրջում էին քաղաքում, հանդարտեցնում թշնամի կողմերը և, վերջ ի վերջոյ, փակեցին այդ դժբախտ դէպքը»:

Այս զեկուցումը մի ամբողջ փոթորիկ առաջ բերեց Սէյմում, յատկապէս, մահմետական պատգամաւորների կողմից: Նրանք իրար յետեւից